

Antiqvae Lectionis Tomus ...

In Qvo Plvra Qvam XX. Antiqua monumenta, nunquam edita

Canisius, Heinrich

Ingolstadii, 1602

II. Quod post pueritiæ flores, & adolescentiæ bonos odores pro morum
maturitate sublimatur episcopatus dignitate.

[urn:nbn:de:hbz:466:1-64160](https://nbn-resolving.de/urn:nbn:de:hbz:466:1-64160)

II.

Successit igitur in tam perspicaci puero felix adolescentia, & incrementa temporum florent incremento virtutum; & præuenit virum maturitas morum, nam collactanea teneritudinis eius prudentia facile suadet iuueni rationis pondere, transitorium omne quam fuisse leue. Vnde factū est, vt nec ad spem & gaudia mundi inclinaret oculum, tristitiam quoq; vel metum nullius haberet pensi. Quare fuit & in correctione amicorum liber animus, dulcis exhortatio, moderata locutio. Tum præterea pretium cordis, commédat pulchritudo corporis, & suauissima dona sapientia præbuit ex honestissimo ferculo. His ornamenti conspicuus, per Ecclesiasticos gradus ascendens vir Dei, post dilectionem meruit reverentiam, donec disponente Dño, consensu cunctorū, morum custos & exemplum vitæ ordinatur Ep̄s.

III.

Disposita verò in sublimi lucerna, quibus radiis effulserit, qua serenitate patriā illustrauerit, omni orationi materiam dabit. Igitur & quis erga scipium, deinde qualis ad subditos, & ad ceteros fuerit proloquamur. Duplicem custodiam corpori, duplē menti dispositus. Nam ne lex corporis eneruaret legē mentis, & plena voluptas exhauriret vberatatem cordis, continuo iejuniorum & vigiliarum præsulatu præuidit. Porrò lectionis & orationis vicaria successionē, & expatiantis animi discursus inhibuit, & suggestionis aduersæ militiam exclusit; & inter agendum quid, solennis ei semper ad utrumque fuit opus psalmodiæ dilecta materia, sane singularis pauperum thesaurus, pupillorum pater, refocillatio senum, viduarum vnicus, desperatorum spes, medicina languentium, miserorum confugium, sic hospitalis, vt neque manum à munere domus exhausta retraheret,

neq;